

ONTARIO ENERGY BOARD NOTICE


Hydro One Networks Inc. agii gagwedwen odi Ontario Waasmowin Nyaagdowendamajig awii zhitowaad gechi shpaamgak waasamowin bamibdeg biiwaabig.

Woshme awii Gikendaman.

Hydro One Networks Inc. Ontario Waasamowin Nyaagdowendamajig (OEB) bagidnigewin awii aankosidowaad owi waasmowin bamibideg engokwaag odi kiing Wawa apiinish Thunder Bay. Maanda dagosin awii zhichigaadeg megwaach niwaak shi nisiwi mnik owi 230 gichi waasamowin shpiming waasamowin biiwaabig awii bimaabiising awii zagibijigaadeg Lakehead Enji Aanjibideg waasmowin miinwaa Wawa Enji Aanjibideg waasmowin (Gichigamiing Dakoobjigan Nankiiwin).

Hydro One Networks Inc. age ado gagwedwen owi OEB awii minwaamdamaad owi mazinigan bezhigwendamowin awaa miinaa-aad aki-debendamajig awii nikaazan ado kiimwaa awii bimaabiig maage awii zhichigaadeg owi enaaknigen Gichigamiing Dakoobjigan Nankiiwin.

Aki-mazinibiigaadeg enaaknigen awii bimaabiig owi waasamo biiwaabik maampii niisa-iing temgad.



OWI OEB AWII ATONAA-AA BEMAADZIJIG BAZINDAAJIGEWIN

Owi OEB awii atonaa-aa bemaadzijig Basindaajigewin awii dibwegendamowaad Hydro One Networks Inc.'s gagwedwewinwaan. Epiichi bazindaajigeng, owi OEB ada dibwegendaanaa-aa gikenjigewin miinwaa aazhidenjigewinan gewe Hydro One Networks Inc. miinwaa bemaadzijig, odenwinan miinwaa aanin ado dibiniweziwinwaa age madookdaagaadegba.

Owi OEB bazindaajigewinan adaa dibwegendaanaa-aa bezhigwendaagwog zmagendamowinan newen giizhendamanin agaa zhisijigaadeg owi onashowewin. Owi Ontario Waasamowin Nyaagdowendamajig (OEB) Naaknigewin, 1998 (owi naaknigewin) zhibiigaadenon newen zmagendamowinan Owa OEB awaa dibwegendamowaad zhitowaad giizhendamanin. Giishpin dowendaman awii dagokaazyin zhiwe OEB bazindaajigewin, gichi piitendaagwad awii nsastaman newen zmagendamowinan e'yaawong.

Ezhi dowendaagwag owi Naaknigewin, owi OEB ada dibwegendaanan ninda nisiwi zmagendamowinan:

- Newen bamitagewinan gewe gaashpinajigejig owi epiit'igindeg miinwaa epiichi penmandaagwog miinwaa epiichi nishing waasamowin izhichigewinan;
- Awii gagaandnigaadeg awii nikaazan aanke nikaazan mashkowi nikaazwin owi nikiwaa e'miigsemgag zhiwe inaaknigewinan owa Gimaa Gamig maampii Ontario; miinwaa
- Ezhinaagwag bezhigwendamowin owa Hydro One Networks Inc. bagendiwin maagwewaad gewe aki debendamajig medookdaagwaad owi bemi bmaabiig maage temgak owi waasmowin biiwaabikoons

Owa Aanike Odaakewinini zhiwe Giigidogamgoon agii zhitoon gimaakdaagewin agaa maadsemgak Onaabin-Giizis 4, 2016 bimaakniged owi agiikinigaadeg maage mshkosijigaadeg owi waasmowin bemibideg izhichigewin odi kiing Wawa apiinish Thunder Bay dowendaagwad aawang e'niigaanendaagwok nankiiwin (E'niigaanendaagwog Nankiiwin Onagjigaadeg). Owi E'niigaanendaagwog Nankiiwin Onagjigaadeg madookdaan owi OEB ndakendang owi gagwedwewin awii nagajigaadeg awii zhichigaadeg nendowendaagwag owi apii debegendamowaad newen nisiwe zmagendamowinan maampii shpiming ezhibiigaadegin. Owi E'niigaanendaagwog Nankiiwin Onagjigaadeg temgad odi "E'niigaanendaagwog Nankiiwin Onagjigaadeg" bakegiigewin odi OEB waasamoo-asabi mazina'igan: <https://www.oeb.ca/industry/policy-initiatives-and-consultations/priority-transmission-projects>

Owi OEB bazindaajigewin gaawii goweta aawizino bagidnigewin nakiwin nendowendaagwog jibwaa zhichigaadeg owi biiwaabikoons. Dibishko gonaa Ministry of the Environment, Conservation and Parks' aki mdookdaagewin dabizhigan. Owi OEB ndakenjigewin ada gnowaamdaanaa-aan newen nisiwi zmagendamowinan ezhibiigaadegin maampii shpiming

miinwaa gaawii ada gnowaamdaziinaa-aan bkaan dnowaa bebaamendaagwog, dibishko gonaa, aki mdookdaagewin, mina yaawin, enaabminaagwog maage epiitendaagwog dibinoweziwin ezhi mdookdaagaadeg.

Owi OEB njike gaabwiimgad miinwaa gaawii gwaya adoo wiijigaabwitwaasiin bemaadzijig nakii gamig. Ndo zhitoonaanin giizhendamanin mesendamowaad bemaadzijig. Ndo gashkitamaagewinaa aawan gagaandnigaadeg mena piitendaagwog miinwaa menibideg waasamowin izhichigewin maagwemgag epinimandijigaadeg aanji nikkaazan mshkowendaagwog izhichigewin mina piitigindeg.

GIKENDAMOWIN YAAN MIINWAA KIDAN ENENDAMAN

Gdaa-aan gshkiweziwin awii debnaman gikendamowin owi Hydro One Networks Inc. ado gagwedwewin miinwaa awii dagokaazyin zhiwe nankiwining.

- Gdaa gnowaamdaan Hydro One Networks Inc.'s gagwedwewin odi waasamoo-asabi mazina'igan nangwa.
- Gdaa niindaawen maajibiigan newen gdinendamowinan, age dibaajigaadeg epiichi bazindaajigeng.
- Gdaa gagwejimaa OEB awii bagidnig awii wiijii-ewin zhiwe dibaajigewining (owa naanaagwi-iing eyaad). Naanaagwi-iing eyaajig adaa miigwenaa-aa gikenjigewin, azhidendamowaad odi nendamowinwaa miinwaa awii miigwewaad gagwedwewinan e'miigsemgag awii nakwetmowaad Hydro One Networks Inc. (nekwetamajig). Awii awiyin naanaagwi-iing eyaad, owa gegwedwed aabdeg awii aawi e'basikaagwad owi waasimowin biiwaabikons owi nikiyaa e'dagosin zhiwe newen zmagendamowinan owa OEB age debegewindang. Giishpin dowendiman awii aawiyin naanaagwi-iing eyaad, aabdeg OEB ada debnaan gdoo gagwedwewin jibwaa **Waatebagaa-giizis 4 2018**

WOSHME AWII GIKENDAMAN

Ndo mooshkinebii-igewin maanda naagdewenjigewin aawan **EB-2017-0364**. Giishpin woshme go go awii gikendaman maanda bazindaagewin owaazhi niindaawewin maajibiigan maage naanaagwi-iing eyaad awii awiyin, maage awii gindiman mazinigan e'dagwendaagwog zhiwe naagdewenjigewining, zhibii-an owi Mooshkinebii-igewin gindaasiwin **EB-2017-0364** zhiwe OEB waasamoo-asabi mazina'igan: www.oeb.ca/noticeltc. Miinwaa age gdaa abi giigid ndo Bemaadzijig Mina Wenjigewin Nakii-gamig odi 1-877-632-2727 go go yaaman awii gagwedwewin.

GIIGIDOWIN MIINWAA ZHIBIIGAN BAZINDAAGEWINAN

Niish dnowaa tenoon OEB bazindaagewinan – giigidowin miinwaa zhibiigan. Owa OEB ada giizhendaman baamaapii zhiwe nakiiwin endagwen giigidowin maage zhibiigan bazindaajigewin aji temgag maanda naagdewenjigewin. Giishpin nendaman giigidowin bazindaajigewin dowendaagwag, gdaa maajibiimowaag OEB awii dibaajima-in enji gagwedwedwin jibwaa **Waatebagaa-giizis 4 2018**.

GSHKIWENDAAGWAG

waamdowem zhiwe OEB mazhisha dibaajimowin miinwaa OEB waasamoo-asabi mazina'igan. Adash wiigwa gdo giigido biiwaabikoons gindaasiwin, zhibiigan endaawin miinwaa mazinaatesjigan gdo zhibiigan ada bamigaade. Giishpin naki-gamig aawiyin, kina gdo gikenjigewin mazhisha ada naagwad. Giishpin gagwedwewin awii awiyin naanaagwi-iing eyaad, kina gdo gikenjigewin ada naagwad.

Owi bazindaajigewin adaa bamibidechigaade owi bakebiigan 92 miinwaa 97 owi Ontario Waasamowin Nyaagdowendamajig (OEB) Naaknigewin 1998, c. 15, Zhibiigan B.

Ontario Energy Board
P.O. Box 2319, 27th Floor
2300 Yonge Street, Toronto, ON M4P 1E4
Attention: Board Secretary
Filings: <http://www.pes.ontarioenergyboard.ca/eservice>
E-mail: boardsec@oeb.ca
Fax: 416-440-7656

